



UNIVERSITÄTS-  
BIBLIOTHEK  
PADERBORN

**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 20. Munera Gregorio XIV. Pont. Virgini. missa aut lata.

---

[urn:nbn:de:hbz:466:1-64112](#)

tæ manent . credas B. Mariæ Lauretanæ , quæ in solitudine sibi sedem quæsierit , ciuitatis celebritatem cordi non fuisse : ne quem aduenarum magis vrbis fama , quam loci religio inuitaret . Sub id tempus Andreæ Bentiuolo extinto in administratione Lauretana successit Fuluius Paulus

Fuluius Pau  
luc. Præt.  
Laur.

cius Protonotarius Apostolicus , cuius virtutem difficilli-  
ma tempora exercuerunt pariter , & illustrarunt .

*Munera difficillimis Greg. XIII. temporibus  
Virgini missa, lataue. Cap. XX.*

**A**nno deinde M. D. XC. Septembri mense , Vrbanus VII. Pontifex creatur , non minus breuitate Pontificatus , quam cunctorum desiderio memorandus . Subiectus Urbano Gregorius XIII. vir bonus ac pius , sed ferme valetudinarius , Pontificatum gessit annum . Tempestas fuit omnino misera , & infelix , nec vlla facies mali defuit . Latrones quos extrema Xysti tempora effuderat , gregatim impune volitabant . Pontificiaque regionis vias infestas habebant . Ad hæc erat summa cum caritate inopia . Super omnia foeda lues , extremæ famis comes , tota pene Italia per omnes ordines , atque ætates vagabatur . Neque is solum , sed etiam insequens annus Italæ funestus fuit . Ergo agri cultoribus , vrbes ciuibus , oppida vicique incolis propemodum exhausti ; nec tam morbo quā ( quod miserius est ) fame . Hac igitur tempestate Laureti minus vtique solito aduenarum , ac donorum ; cæterum plus votorum fuit Lauretani templi visendi , adornandi . Id adeo insecuri anni fatis ostenderunt . Nec tamen illa ipsa tempestas , quæ ciuibus vrbes exhausit , non auxit muneribus Lauretanam Domum . Lælius Pignatellus Neap. lychnum argenteum bilibrem Virgini dicauit .

Lælij Pigna  
telli D.  
Card. Sfon-  
drati D.

Cardinalis Sfondratus Gregorij XIII. fratris filius B. Mariæ Lauretanæ effigiem ex argentea lamina expressam

librarum

librarum ferme trium. Hercules Sfondratus Comes consimilem B. Mariæ effigiem argenteam decem pondo; aliā insuper laminam argenteam simili opere, sed pondere dispari, & binos vrceolos argenteos. Alfonsus Coronatus gemmeam paterā ingentis pretij. Ea tornatilis est ex vngēma excavata. smaragdi genus videtur. vulgo Agathā appellant. Dionysius Delphynus Venetus praeclarū sacrificaturi sacerdotis ornatum extessili argenteo: Polyxena Pernestaina Proregina Boemiae auream pallam argenteis flosculis tanquam stellis scite, eleganterque distinctam (ex ea Episcopale amiculum sane egregium factum) Lauretanæ Virgini dicavit. Cæterum illud munus maxime memorabile, nec minus fructu, quam opulentia eximium. Petrus Tyrannus Calliensis, homo prædiues & opulentus in primis, moriens Lauretanam Virginem testamento hæredem fecit ex affe. Hæreditatis caput Falconaria, prædium sane luculentum. Id haud magis tritici, quam vini ferax, loco situm est maxime opportuno. Haud procul abest Ancona marique: ut facile inde fruges fructusque Lauretum subuehi nauigijs queant. Aestimatur vniuersa hæreditas aureorum millibus circiter sexaginta. opportunum sane Lauretanæ Domus necessitati, vel iam vrgenti, vel imminentis subsidium. Quippe summa illa rerum caritas atque inopia, quæ per id tempus afixit Italiam, simul ingentes Aedis Lauretanæ sumptus impense augebat; simul eleemosynarum, donorumque prouentum maxima intercipiebant ex parte. Nam præter D. CCC. nummos aureos, quos arca Lauretana quotannis Episcopo pensitat, circiter sena aureorum millia in Canonicos xii. totidem Sacerdotes Mansionarios, ut vocant, sex clericos chori adiutores, symphoniacos plurimos, aliosque complures templi ministros, cereos, oleum, cæterumque ædis cultum erogat. Præsidis quoque Lauretani cohortem, ingentem fabrorum, rusticorum, pastorum familiam alit. His accedunt Collegia duo, Societas

Comitis Sfō  
drati D.Alfonsi Co-  
ronei D.Dionys. Del  
phyni D.Proreginæ  
Boemiae D.Petri Tyran-  
ni hæredi-  
tas.

tis Iesu vnum, alterum Illyricorum. In quæcum meliora essent tempora, quinque ferme aureorum millia in annos singulos insumebantur. Ad hæc in Nosocomio & Xenodochio plurimi peregrini, quæ ægri, quæ pauperes sustentantur. Cœnobitis quoque, & sacerdotibus victus in tri-duum præberi: cæteris aduenis egentibus publice panis diuidi solet. Episcopi porro, Cardinales, aliquæ Principes viri benigne lauteque tractantur. Et ædificatio sumptuosa iuxta & honorifica B. Virginis, nunquam ferme intermititur. Igitur hi tanti, tamque immanes annui sumptus XX. aureorum millia excedere dicuntur ) quos in vilitate rerum, & copia, ægre Lauretana res sustinebat, illis temporibus crescebant in immensum. Et annonæ inopia ferme quadriennium tenuit. Quo tempore agrorum, arcæque prouentus duplo, aut etiam triplo minor erat, quam solebat: & tamen pene duplicabatur impensa. Lauretanis itaque difficultatibus Calliensis hereditas mira opportunitate subuenit, non in præsens tempus magis, quam in futurum. Subinde parua dictu res Aedis Lauretanæ religionem haud parum illustravit. Marcus Sara latronum Dux nobilis Pontificiam ditionem infestam habebat armis. Hic cum maxima conselerorum manu in Picenum venit. Cæterum vicit eius animum religio Virginis. Lauretum prætergressus, ubi opportunum nactus est locum; festa cuncti agminis diplosione Lauretanam Virginem salutauit. Adeoque non violauit res Lauretanæ, ut etiam sacrosanctam Aedem coluerit donis. Nam cum templi, vrbisque aditu prohiberetur, certum hominem destinauit Lauretum cum munere. Ita pecunia Deiparae vltro donata ab ijs, qui etiam per vulnera, & cædes querere pecuniam assueuerunt, Deo in matris suæ gratiam efferata quoque pectora mitigante. Paulicius interim Præses, & si summa erat annonæ caritas & inopia, tamen magnam vim panis egentibus peregrinis diuisit quotidie, eo gratius munus, quo maior illos vrgebat famæ.

M. Saræ in  
Aedē Laur.  
reuerentia.

Præ-